

續資治通鑑

續資治通鑑卷第七十九

聖祖皇帝高皇帝神宗皇帝徽宗皇帝欽宗皇帝

宋紀七十九

起柔兆攝提格正月盡六月凡六月

哲宗憲元繼道顯德定功欽文睿武齊聖昭孝皇

帝

諱煦神宗第六子母曰欽聖皇后朱氏熙寧九年十二月七日己丑生於宮中赤光照室初名

備授檢校太尉天平軍節度使封均國公元豐五

年遷開府儀同三司進封延平郡王八年二月神

宗寢疾宰相王珪乞早建儲為宗廟社稷計又奏

請皇太后權同聽政神宗首肯遂奉制立為皇太

子

元祐元年

遼太安二年

春正月庚寅朔詔改元 辛卯遼主

如混同江

承議郎守起居舍人邢恕嘗教高公繪上

書乞尊禮朱太妃爲高氏異日之福太皇太后呼公繪  
問曰汝不識字誰爲汝作此書公繪不敢諱言者又論  
恕游歷權貴不自檢慎甲午請恕以本官權發遣隨州  
時恕已除中書舍人於是罷其新命并黜之於外李熹  
曰恕教公繪上書據邵伯溫辯誣邢恕之孫繹作其祖  
父言行錄云欽成皇后爲皇太妃自山陵回御藥吳靖  
方窺伺宜仁意旨以太妃過失爲辭謂隨靈駕曾發笑  
韓絳以故相留守西京親至境上迎迓引見皇太妃納  
拜殊不爲禮亦無慰勞之言公聞之朝路與宣仁猶子  
公繪相遇因及此公曰太妃管則先帝之妃今乃主上  
之母小人開議漸不可長公繪變然遂密奏疏以爲宜  
加尊禮仍引語切直過當不止如公所言宜仁覽之訝  
公繪太計知公繪與公素厚直遣人詰曰誰教汝爲之  
莫是邢某與汝做來若不實詰卽根治公繪迫急卽吐  
實云入疏時邢某不知臣自爲之然邢某之意亦如此  
韓縝微聞之因而媒孽無所不至劉拯縝客也乃入札

言公關與政事交游執政遂以爲名罷中書舍人以本  
官知隨州溫公卽有劄與公曰和叔此行出於意外先  
居政府不能爲和叔別自負愧誠淡益以中京有交游  
執政之言恐謚爲和叔累故也其後明堂前兩月溫公  
檢叔破責一宗文字欲將上辨自諸公勸之以爲不至  
待至救後而赦前兩日溫公薨矣時呂公亦在政府與  
溫公意合而林希素忌公其弟旦方爲言官初旦事溫  
公欲爲省郎未及自川希薦於韓乃爲工部員外郎遂  
除殿中侍御史恐公遂還朝乃於赦後未聞假日入疏  
論公曰呂公著素與邢某厚善今來旣經明堂公著必  
須復引邢某還朝乞未得令還自是申公避嫌不復敢  
言然希旦亦不爲公論所容未幾兄弟相繼逐去時申  
公方盛旦旣犯中公獄論不與非特爲  
公也釋所載如此蓋多妄言今不取

甲辰王巖叟

奏自冬不雪今涉春矣旱暵爲災變異甚大陛下於天  
下之大害朝中之大姦已悟而復疑將斷而又止大害  
莫如青苗免役之法陰困生民茶鹽之法流毒數路大

姦莫如蔡確之陰邪險刻章惇之讒欺狠戾陛下乃容而留之此天心之所以未祐也 丁未以集賢校理黃廉爲戶部郎中先是廉提舉河東路保甲凡六年司馬光閒居往來河洛閒聞其治狀呂公著亦言河東軍與邊民德之遂有是除 詔同賜高麗王鞍馬服帶器幣有加 罷陝西河東元豐四年後凡緣軍興增置官局已酉五國諸部長貢於遼 辛亥朱光庭言蔡確章惇韓縝不恭不忠不恥議論政事之際惇明目張膽肆爲辨說力行醜詆確則外示不校中實同欲陽爲尊賢陰爲助邪縝則每當議論亦不扶正唯務拱默爲自安

計願罷去確等柄任別進忠賢以輔聖治不報 矣丑  
太皇太后躬詣中太一宮集禱觀祈雨 遼主召權翰  
林學士趙孝嚴知制誥王師儒等講五經大義 丙辰  
太皇太后詔曰原廟之立所從來久矣前日神宗皇帝  
初卽祠宮竝建寢殿以崇嚴祖考其孝可謂至矣今神  
宗旣已升祔於故事當營館御以奉神靈而宮垣之東  
密接民里欲加開展則懼成煩擾欲采摛紳之議皆合  
帝后爲一殿則慮無以稱神宗欽奉祖考之意聞治隆  
殿後有園池以后殿推之本畱以待未亾人也可卽其  
地立神宗原廟吾萬歲之後當從英宗皇帝於治隆上

以寧神明中以成吾子之志下以安臣民之心不亦善乎 帝幸相國寺祈雨 時新法多所釐革獨免役青苗將官之法猶在而西戎之議未決司馬光以疾謁告凡十有三旬不能出歎曰四患未除吾死不瞑目矣乃力疾移書三省曰今法度宜先更張者莫如免役錢光見欲具疏奏聞若降至三省望諸公協力贊成又手書與呂公著曰光自病以來以身付醫以家事付愚子唯國事未有所託今以屬晦叔矣中書舍人范百祿言於光曰熙寧免役法行百祿爲咸平縣開封罷遣衙前數百人民皆欣幸其後有司求羨餘務刻剝乃以法爲病

今第減助苗錢額以寬民力可也光不聽 二月辛酉  
以河決大名壞民田艱食者眾詔安撫使韓絳詢訪賑  
濟 乙丑命蔡確提舉修神宗實錄以鄧溫伯陸佃並  
爲修撰官林希曾肇並爲檢討官 詔權罷修河放諸  
路兵夫 先是司馬光奏免役之法有五害舊日上戶  
充役有所陪備然年滿之後卻得休息今則年年出錢  
錢數多於往日陪備者其害一也舊日下戶元不充役  
今來一例出錢其害二也舊日所差皆土著良民今召  
募四方浮浪之人作公人則曲法受賊主官物則侵欺  
盜用一旦事法擊家亾去其害三也農民所有不過穀



帛與力今日我不用汝力輸我錢我自雇人若遇凶年則不免賣莊田牛具桑柘以求錢納官其害四也提舉常平司惟務多斂役錢廣積寬剩希求進用其害五也爲今之計莫若降敕應天下免役錢一切並罷其諸色役人並依熙寧以前舊法定差惟衙前一役最號重難向有破家產者朝廷爲此始議作助役法今衙前陪備少當不至破家若猶慮力難獨任卽乞依舊於官戶僧道寺觀單丁女戶有屋業者並令隨貧富等第出助役錢遇衙前重難差遣卽行支給然役人利害四方不能齊同乞指揮降諸路轉運使下諸州縣限五日內縣具

利害申州州隄一月申轉運司司隄一季奏聞委執政  
官參詳施行是日三省樞密院同進呈得旨依奏 丁  
卯詔侍從各舉堪任監司者二人舉非其人有罰 韓  
維言光祿大夫致仕范鎮在仁宗朝首開建儲之議而  
鎮未嘗以語人人亦莫爲言者故恩賞獨不及鎮伏望  
特降明詔褒顯厥功於是具以鎮十九疏上之己巳拜  
鎮端明殿學士致仕仍以其子百揆爲宣德郎 庚午  
禁邊民與夏人爲市 辛未以侍御史劉摯爲御史中  
丞 詔起居舍人依舊制不分記言動 武威郡王棟  
戢舊作董今改率以其養子阿里骨爲河西軍節度使封寧

塞郡公阿里骨嚴峻刑殺其下不遑寧詔飭以推廣恩  
信副朝廷所以封立前人所以付與之意 司馬光奏  
復差役法既得旨知開封府蔡京卽用五日隄令兩縣  
差一千餘人充役亟詣東府白光喜曰使人人如待  
制何患法之不行乎議者謂京但希望風旨苟欲媚光  
非其實也 癸酉以監察御史王巖叟爲左司諫 右  
司諫蘇轍始供職上言帝王之治必先正風俗風俗旣  
正中人以下皆自勉於爲善風俗一敗中人以上皆自  
棄而爲惡邪正盛衰之源未有不始於此皆眞宗獎用  
正人孫奭賊綸田錫王禹偁之徒旣以諫諍顯名忠賢

之士相繼而起及耄期狀事丁謂乘閒將竊國命而風俗已成無與同惡謀未及發旋即流放仁宗仁厚是非之論一付臺諫孔道輔范仲淹歐陽修余靖之流以言事相高時執政大臣豈皆盡賢然畏忌人言不敢妄作一有不善言者卽至隨卽屏去故雖人主寬厚而朝廷之閒無大過失及先帝嗣位執政大臣變易祖宗法度惟有呂誨范鎮等明言其失二人旣已得罪臺諫有以一言及者皆紛然逐去由是風俗大敗臣願陛下永惟邪正盛衰之漸始於臺諫修其官則聽其言言有不當隨事行遣使風俗一定忠言日至則太平之治可立而

待也。甲戌御邇英閣侍讀韓維言陛下仁孝發於天性存行見昆蟲螻蟻輒達而過之且敕左右勿踐履此亦仁術也願陛下推此心以及百姓則天下幸甚。丙子司馬光言復行差役之初州縣不能不少有煩擾伏望朝廷執之堅如金石雖小小利害未周不妨徐爲改更勿以人言輕壞利民良法章惇取光所奏凡疏略未盡者枚舉而駁奏之又嘗與同列爭曰保甲保馬一日不罷則有一日之害如役法者熙寧初以雇代差行之太速故有今弊今復以差代雇當詳議熟講庶幾可行而隄止五日其弊將益甚矣呂公著言光所建明大意

已善其閒不無疏略惇言出於不平之氣專欲求勝不  
顧朝廷大體乞選差近臣三四人專切詳定奏聞 庚  
辰夏國遣使來貢 辛巳寶文閣待制刑部侍郎蹇周  
輔坐變湖南鹽法抑勒騷擾落職知和州 蘇軾言於  
司馬光曰差役免役各有利害免役之害聚斂於上而  
下有錢荒之患差役之害民常枉官不得專力於農而  
吏胥緣以爲姦此二害輕重蓋略等矣光曰於君何如  
軾曰法相因則事易成事有漸則民不驚三代之法兵  
農爲一至秦始分爲二及唐中葉盡變府兵爲長征卒  
自是以來民不知兵兵不知農農出穀帛以養兵兵出

性命以衛農天下僂之雖聖人復起不能易也今免役之法實類此公欲驟罷免役而行差役正如罷長征而復民兵蓋未易也光不以爲然初差役行於祖宗之世法久多弊編戶充役不習官府吏虐使之多致破產而狹鄉之民或有不得休息者免役使民以戶高下出錢而無執役之苦但行法者不循上意於雇役實費之外取錢過多民遂以病光爲相知免役之害而不知其利欲一切以差役代之軾獨以實告而光不悅軾又陳於政事堂光色忿然軾曰管韓魏公刺陝西義勇公爲諫官爭之甚力韓公不樂公亦不願軾嘗聞公道其詳豈

今日作相不許軾盡言邪光笑而謝之范純仁與光素厚謂光曰治道去其太甚者可也差役一事尤當熟講而緩行不然滋爲民病且宰相職在求人變法非所先也願公虛心以延眾論不必謀自己出謀自己出則詖諛得乘閒迎合矣設議或難回則可先行之一路以觀其究竟光不從持之益堅純仁歎曰以是使人不得言爾若欲媚公以爲容悅何如少年合安石以速富貴哉光居政府凡王安石呂惠卿所建新法剗革略盡或謂光曰熙豐舊臣多愷巧小人它日有以父子義閒上則禍作矣光正色曰天若祚宋必無此事衛尉丞畢仲游



遺光書曰晉王安石以興作之說動先帝而患財不足也故凡政之可得民財者無不舉蓋散青苗置市易斂役錢變鹽法者事也而欲興作患不足者情也蓋未能杜其興作之情而徒欲禁散斂變置之法是以百說而百不行今遂廢青苗罷市易調役錢去鹽法凡號爲利而傷民者一掃而更之則向來用事於新法者必不喜矣不喜之人必不但曰不可廢罷調去必操不足之情言不足之事以動上意雖致石而使聽之猶將動也如是則廢罷調去者皆可復行矣爲今之策當大舉天下之計漢明出入之數以諸路所積之錢粟一歸地官使

經費可支二十年之用數年之閒又將十倍於今日使  
天子曉然知天下之餘於財也則不足之論不得陳於  
前然後新法永可罷而無敢議復者矣咎安石之居位  
也中外莫非其人故其法能行今欲救前日之弊而左  
右侍從職司使者十有七八皆安石之徒雖起二三舊  
臣用六七君子然累百之中存其數十烏在其勢之可  
爲也勢未可爲而欲爲之則青苗雖廢將復散況未廢  
乎市易雖罷且復置況未罷乎役錢鹽法亦莫不然以  
此救前日之弊如人久病而少閒其父子兄弟喜見顏  
色而未敢賀者以其病之猶在也光得書聳然後竟如

其慮 是月遼主駐山榆淀 閏月己丑朔王巖叟入  
對言祖宗遺戒不可用南人如蔡確章惇張璪皆南人  
恐害於國帝曰爲是舊臣巖叟曰孰非舊臣帝曰近日  
頗旱巖叟曰以聖德如此無致災變之理唯政府有此  
人所以致旱也 庚寅尚書左僕射蔡確罷山陵使事  
畢確猶偃蹇於位於是劉摯王巖叟孫覺蘇轍朱光庭  
彈章交上十數確浸不自安遂連表乞解機務表詞有  
曰收拔當世之耆老以陪輔王室調省有司之煩碎以  
慰安民心嚴邊備以杜彊鄰之窺覷奏輒傳以察遠方  
之疲瘵明法令之美意以揚先帝之惠澤厲公平之大

道以合眾志之異同其高自矜伐如此孫覺蘇轍愈不平復上疏論之疏曰自法行以來民力困敝海內愁怨先帝晚年寢疾彌留灼知前事之失親發德音將洗心自新以合天意此志不遂奄棄萬國是以皇帝踐阼聖母臨政奉承遺旨罷導洛廢市易捐青苗止助役寬保甲免買馬放修城池之役復茶鹽鐵之舊黜吳居厚呂孝廉米用臣賈青王子京張誠一呂嘉問蹇周輔等命令所至細民鼓舞相賀今小臣旣經罷黜至於大臣則因而任之臣竊惑矣確所上表雖外稱一言若欲求退而論功攘善實圖自安所云收拔當世之耆艾以陪輔

王室臣謂當世之耆艾乃確管日之所抑遠者也所云  
謂省有司之煩碎以慰安民心臣謂有司之煩碎乃確  
管日勦造者也此二事皆確爲政無狀以累先帝之明  
非陛下卓然獨見誰能行此確不自引咎反以爲功則  
是確等所造之惡皆歸先帝而陛下所行之善皆歸於  
確也時司馬光呂公著進用謂除煩苛確言皆已所建  
白公論益不容太皇太后猶不忍遽斥至是始罷爲觀  
文殿學士知陳州尋改亳州以門下侍郎司馬光爲  
尚書左僕射兼門下侍郎光以疾方賜告不能入謝帝  
遣閤門副使齎告印至其家賜之光辭疾稍聞將起視

事詔免朝覲以肩輿三日一入都堂或門下尚書省光  
不敢當日不見君不可以視事詔光肩輿至內東門子  
康扶入對小殿且命無拜光惶恐請對延和殿詔許乘  
肩輿至崇政殿垂簾日引對餘依前降指揮光入對再  
拜遂退而視事王安石時已病弟安禮以邸吏狀示安  
石安石曰司馬十二丈作相矣悵然久之詔韓維呂大  
防孫永范純仁詳定役法以聞從呂公著言也 壬辰  
以尚書左丞呂公著爲門下侍郎 命司馬光提舉編  
修神宗實錄 丙申詔提舉官累年積蓄盡椿作常平  
倉錢物委提點刑獄交割主管依舊常平倉法 丁酉

王巖安入對言求治不可太急太急則姦人有以迎意  
進說又奏乞察賢不賢而去畱之若賢者畱不賢亦畱  
則賢者恥而不樂爲用又奏兩宮垂簾杜絕內降太皇  
太后曰此事必無不須憂也 己亥劉摯言保甲罷團  
教臣竊有私憂過計者夫鄉野之民其性易於轉習今  
之保甲衣必華細食必酒肉固已變其向者布麻麤糲  
之習矣羣聚而笑喧奮臂而矜勇固已移其椎魯勞苦  
之習矣臣愚以爲宜有法以斂制之凡保甲之技藝疆  
場高下州縣皆有等籍今案取優等願爲兵者刺以爲  
本州禁軍自餘中下等亦依近制募充弓手刀手耆壯

戶長之役蘇轍言河北之民喜爲剽劫近歲擄爲保甲  
驅之使離南畝教之使習因器今雖已罷而弓刀之手  
不可以復執鋤酒肉之口不可以復茹蔬旣無所歸勢  
必爲盜臣願於元豐庫或內藏庫乞錢三十萬貫爲招  
軍例物選文武臣僚有才幹者各一二人分往河北於  
保甲中招其彊勇精悍者爲禁軍隨其人才以定軍分  
上爲先帝收恩於既往下爲社稷消患於未萌 劉摯  
言知樞密院章惇素無才行近者差役之復乃三省同  
樞密進呈惇果有所見當卽敢陳講畫今敕命宣布始  
遇而橫議惇非不知此法之是與非也蓋寧負朝廷而



不忍負王安石欲存面目以見安石而已 甲辰劉摯  
言臣伏見戶部尚書曾布在熙寧初王安石託以腹心  
故其政皆出於布之謀其法皆造於布之手臣時爲御  
史曾以此告之先帝曰大臣誤朝廷而大臣所用者誤  
大臣蓋指布輩也朱光庭奏今日廟堂之上司馬光未  
出唯有呂公著一人忠朴可倚其餘皆姦邪伏望聖慈  
早進范純仁庶得賢者在位同心一德以輔聖政 丙  
午以西京國子監教授程頤爲校書郎用王巖叟薦也  
庚戌詔英州編管人鄭俠特放自便仍除落罪名尚  
書吏部先咨注舊官與合入差遣從監察御史孫升左

司諫蘇轍所奏也 辛亥知樞密院事章惇罷司馬光  
呂公著改更弊事惇與蔡確在位窺伺得失惇尤以譴  
侮困光臺諫交章疏其罪未報已而惇復與光簾前爭  
論惇至曰它日安能奉陪喫劔太皇太后怒於是劉  
摯奏言惇佻薄險悍諂事王安石以邊事欺罔朝廷遂  
得進用及安石補外又傾附呂惠卿夤緣至於執政以  
疆市兩浙民田及寄語臺官等事爲言路所擊而先帝  
益薄其爲人黜之未幾復爲蔡確所引以至今日夫去  
惡莫如盡陛下旣去確而今尚畱惇非朝廷之利乞正  
其橫議害政疆懷慢上之罪王巖叟奏言惇廉隅不修

無大臣體每爲俳諧俚語侵侮同列諫官孫覺嘗論邊事不合惇意而惇肆言於人云議者可斬中外聞之無不駭愕自古未嘗有大臣敢出此語有諫官者陛下詔求直言而惇斥上書人爲不逞之徒其意不欲陛下廣聰明也陛下登用老臣舊德而惇亦指爲不逞之徒其意不喜陛下用正人也今復於簾前爭役法辭氣不遜陵上侮下敗羣亂眾蓋見陛下用司馬光作相躁忿忌嫉所以如此伏乞罷免以慰天下之望惇遂罷以正議大夫知汝州 甲寅詔侍從御史國子司業各舉經明行修可爲學官者二人 乙卯以同知樞密院事安燾

知樞密院事試吏部尚書范純仁同知樞密院事權給事中王巖叟言安燾資材闕茸器識暗昧舊位且非所據況可冠洪樞籲兵柄所有畫黃謹繳進其范純仁除命伏乞分爲別敕行下蘇轍孫覺劉摯亦相繼論燾不當驟遷 罷諸州常平管勾官 丁巳安燾辭免新命敕黃付王巖叟書讀巖叟又封還 詔放免内外市易錢并坊場淨利錢又詔已前積欠免役錢與減放一半 三月己未王巖叟言陛下用范純仁雖驟何故無一人有言蓋賞賢也一進安燾則諫官御史交章論奏蓋非公望所與也臣兩次論駁竊聞已有指揮門下省夏

不送給事中書讀令疾速施行臣位可奪也而守官之志不可奪身可忘也而愛君之心不可忘陛下旣重改成命則願差官權給事中以全孤臣之守 庚申劉摯言安燾范純仁告命不由給事中直付所司陛下自墮典憲使人何所守乎不報 詳定役法所言乞下諸路除衙前外諸色役人只依見用人數定差官戶僧道寺觀單丁女戶出錢助役指揮勿行從之王安石聞朝廷變其法夷然不以爲意及聞罷助役復差役愕然失聲曰亦罷及此乎良久曰此法終不可罷也 壬戌司馬光言取士之道當以德行為先文學爲後就文學之中

又當以經術爲先辭采爲後爲今日計莫若依先朝成  
法合明經進士爲一科立周易尚書毛詩周禮儀禮禮  
記春秋孝經論語爲九經令天下學官依注疏講說學  
者博觀諸家自擇短長各從所好春秋止用左氏傳其  
公羊穀梁陸淳等說竝爲諸家孟子止爲諸子夏不試  
大義應舉者聽自占習三經以上多少隨意皆須習孝  
經論語光以奏稟示范純仁純仁荅光曰孟子恐不可  
輕且朝廷欲求眾人之長而元宰先之似非明夷蒞眾  
之義不若清心以俟眾論可者從之不可者更俟諸賢  
議之如此則逸而易成有害亦可改矣光欣然納之

戊辰蘇轍言陛下用司馬光爲相而使韓縝以屠沽之行與之同列以臣度之不過一年縝之邪計必行邪黨必勝光不獲罪而去則必引疾而避矣去歲北使入朝見縝在位相顧反臂微笑縝舉祖宗七百里之地無故與之聞契丹地界之謀出於耶律用正今以爲相彼以闢國七百里而相用正朝廷以蹙國七百里而相縝臣恐所未諭也 辛未以吏部侍郎李常爲戶部尚書常文士少吏幹或疑其不勝任以問司馬光光曰使此人掌邦計則天下知朝廷非急於征利貪吏搢克之患庶幾少息矣 以中書舍人胡宗愈爲給事中起居舍人

蘇軾爲中書舍人 軍器監丞王得君言臣僚上章與  
議改法但許建明事情不得妄有指斥內出手詔曰子  
方開廣言路得君意欲杜塞人言無狀若此可罷職與  
外任監當得君於是謫監永城縣倉 詔毋以堂差衝  
枉選已注官 置訴理所許熙寧以來得罪者自言

命太學官試司業博士主之如春秋補試法 壬申詔

安燾堅辭知樞密院事特依所乞仍同知樞密院事仍

令班左丞李清臣上

發異宋史哲宗紀宰輔表皆失書  
此事則次年六月除燾知樞密院

事一條爲重出  
矣今依長編

癸酉置開封府界提點刑獄一員

女直貢良馬於遼

乙亥罷熙河蘭會路經制財用司



己卯復廣濟河輦運 辛巳詔民間疾苦當議寬卹者監司具聞 以校書郎程頤爲崇政殿說書從司馬光言也頤進三劄其一曰陛下春秋方富輔養之道不可不至大率一日之中接賢士大夫之時多親宦官宮妾之時少則自然氣質變化德器成就乞遴選賢士入侍勸講講罷常留二人直日夜則一人直宿以備訪問或有小失隨事獻規歲月積久必能養成聖德其二曰三代必有師傅保之官師道之教訓傳傳其德義保保其身體臣以爲傳德義者在乎防見聞之非節嗜好之過保身體者在乎適起居之宜存畏謹之心欲乞皇帝

左右扶持祇應宮人內臣竝選年四十五以上厚重小心之人服用器玩皆須質朴及擇內臣十人充經筵祇應以伺候起居凡動息必使經筵官知之其三曰竊見經筵臣僚侍者皆坐而講者獨立於禮爲悖乞今後特令坐講以養主上尊儒重道之心臣以爲天下重任惟宰相與經筵天下治亂係宰相君德成就責經筵由此言之安得不以爲重頃每以師道自居其侍講色甚莊言多諷諫聞帝在宮中盥而避蟻問有是乎帝曰有之頃曰推此心以及四海帝王之要道也帝嘗凭檻偶折桺枝頃正色曰方春時和萬物發生不可無故摧折帝

不悅 御史呂陶言司農少卿范子淵在元豐時提舉河工糜費巨萬護隄厭埽之人溺死無算而功卒不成乞行廢放於是黜知峽州制略曰汝以有限之財興必不可成之役驅無辜之民置諸必死之地中書舍人蘇軾詞也 夏四月己丑右僕射韓縝罷先是臺諫前後論縝過惡甚眾皆畱中不報太皇太后宣諭孫覺蘇轍曰進退大臣當存國體縝雖不協人望要須因其求去而後出之劉摯等攻之益急縝遂乞出以觀文殿大學士知潁昌府內批縝自以恐妨賢路故乞出外視矜功要名而去者縝爲得進退之體宜於制詞中聲說此意

矜功要名蓋指蔡確章惇也 詔太師致仕文彥博眉  
與赴闕令河南津置行李先是司馬光除左僕射固辭  
以疾乞召用彥博范純仁亦以彥博老成勸帝召致之  
及將罷韓縝太皇太后以御劄付光欲除彥博太師兼  
侍中行右僕射事光奏彥博官爲太師年八十一臣後  
進而位居其上非所以正大倫也不聽 庚寅蘇轍言  
禮部欲復詩賦司馬光乞以九經取士二議竝未施行  
乞先降指揮明言來年科場一切如舊但所對經義兼  
取注疏及諸家議論不專用王氏之學仍罷律義然後  
徐議更未爲晚也 司馬光乞令提點刑獄司指揮逐

縣令佐體量鄉邨人戶有關倉者一面申知上司及本  
州要候回報即將本縣義倉及常平倉米穀直行賑  
濟夏秋成熟令隨稅送納毋得收息令佐有能用心存  
恤民不流移者優與酬獎否則取勘聞奏從之辛卯詔  
諸路旱傷蠲其租 壬辰以旱慮四 癸巳特進荆國

公王安石卒年六十有六

攷異宋史及柯氏新編皆作六十八案吳曾漫錄謂介甫

以辛酉十一月十二日生楊萬里柳塵錄云荆公年六十六自天禧辛酉至元祐丙寅恰是六十六歲今從之

安石性彊忤自信所見執意不回至議變法在廷交執  
不可安石傳經義出己意辨論輒數百言眾不能詘甚  
者謂天變不足畏祖宗不足法人言不足恤罷黜中外

老成人幾盡多用門下儼慧少年久之以早引去洎復  
相歲餘罷終神宗世不復召安石著目錄七十卷如韓  
琦富弼文彥博司馬光呂公著范鎮呂誨蘇軾及一時  
之賢者皆重爲詆毀晚居金陵於鍾山書室多寫福建  
子三字蓋恨爲呂惠卿所誤也及卒司馬光於病中聞  
之亟簡呂公著曰介甫文章節義頗多過人但性不曉  
事而喜遂非今方矯其失革其弊不幸介甫謝世反覆  
之徒必詆毀百端光以爲朝廷特宜優加厚禮以振起  
浮薄之風其不修怨如此 戊戌遼主北幸遣使加統  
軍使及靜化軍節度使爵秩仍賜資諸軍士 辛丑詔

執政大臣各舉可充館閣者三人 壬寅詔文彥博特

授太師平章軍國重事以門下侍郎呂公著爲尚書右

僕射兼中書侍郎

致異彥博公著除官長編書於五月丁巳朔今從宋史紀表

太皇

太后欲用彥博爲右相劉摯王觀竝言彥博春秋高不

可爲三省長官朱光庭亦三上章以爲彥博師臣不宜

煩以吏事若右相則呂公著韓維范純仁皆可爲之帝

問司馬光光對曰若令彥博以太師平章軍國重事亦

足尊老成矣又言宜爲右相者莫如呂公著帝皆聽之

又詔彥博一月兩赴經筵六日一人朝因至都堂與輔

臣議事如遇有軍國機要卽不限時日竝令入預參決

先是執政官每三五日一聚都堂吏目抱文書歷諸廳  
白之故爲長者得以專決同列難盡爭也光嘗懇蔡確  
欲數會議庶各盡所見而確終不許公著旣秉政乃日  
聚都堂長貳並得議事遂爲定制 乙巳詔戶部裁冗  
費著爲令 黜內侍李憲等於外劉摯言宦者李憲貪  
功生事漁斂生民膏血興靈夏之役首違師期乃頓兵  
蘭州遺患今日王中正將兵二十萬出河東逗遛違詔  
精卒勁騎死亾殆盡宋用臣董大工役侵陵官司誅求  
小民奪其衣食之路石得一領皇城司縱遣伺者飛書  
朝上則算入狴犴朝士都人相顧以目者殆十年此四



人者權勢烽焰張灼中外幸而先帝神武足以鎮厭不然其爲禍豈減漢唐宦者哉侍御史林且亦以爲言詔竝降官憲中正得一提舉官觀用臣監太平州稅務辛亥文彥博入對叩其子貽慶扶掖上殿賜貽慶金紫章服 揚王顥荆王頽竝特授太尉 司馬光請立經明行修科歲委升朝文武各舉所知以勉厲天下使敦士行以示不專取文學之意若所舉人違犯名教必坐舉主毋赦於是詔自今凡遇科舉令升朝官各舉經明行修之士一人俟登第日與升甲罷謁禁之制 知誠州周士隆撫納谿峒民一千三百餘戶賜士隆鉅帛

癸丑三省言尚書六曹職事閒劇不等今欲減定以主客兼膳部職方兼庫部都官兼司門屯田兼虞部定爲三十五員又言常平奏春秋斂散以陳易新及歲饑賑貸主司竝依法推行降貸常平錢穀絲麥豐熟隨夏稅先納所輸之半願并納者止出息一分竝從之五月丁巳朔以資政殿大學士兼侍讀韓維爲門下侍郎罷諸路重祿復熙寧前舊制遼自馬羣太保蕭托輝舊作陶括羣牧實數以定籍厥後東冊國歲貢千匹女直諸國及鐵驪諸部歲貢良馬仍禁朔州路鬻羊馬於南朝吐渾党項鬻馬於西夏以故牧馬蕃息多至百有

餘萬選主賞羣牧官以次進階 庚申夏國遣使來賀  
卽位 壬戌詔侍從臺官監司各舉縣令一人 丁卯  
劉摯上疏曰學校爲育材首善之地教化所從出非行  
法之所雖羣居眾聚帥而齊之不可無法亦有禮義存  
焉先帝養士之盛比隆三代然太學屢起獄訟有司緣  
此造爲法禁煩苛甚於治獄條目多於防盜上下疑貳  
以求苟免尤可怪者博士諸生禁不相見教諭無所施  
質問無所從月巡所隸之齋而已齋舍旣不一隨經分  
隸則又易博士兼巡禮齋詩博士兼巡書齋所至備禮  
請問相與揖諾亦或不交一言而退以防私請以杜賄

賂學校如此豈先帝所以造士之意哉願罷其制戊辰  
詔孫覺顧臨程頤同國子監長貳修立太學條制己  
巳幸揚王荆王第官其子九人乙亥蘇轍言前參知  
政事呂惠卿詭變多端見利忘義王安石初任執政以  
爲心腹青苗助役議出其手韓琦始言青苗之害先帝  
翻然感悟欲退安石而行琦言當時執政皆聞德音安  
石亦累表乞退天下欣然有息肩之望矣惠卿方爲小  
官自知失勢上章乞對力進邪說獎惑聖聽巧回天意  
身爲館殿攝行內侍之職親往傳宣以起安石肆其僞  
辨破難琦說仍爲安石畫劫持上下之策自是諍臣吞

聲有識喪氣而天下靡然矣至於排擊忠良引用邪黨  
惠卿之力十居八九其後又建手實簿法尺椽寸土檢  
括無遺雞豚狗彘抄割殆徧小民怨苦甚於苗役又因  
係甲正長給散青苗結甲赴官不遺一戶上下騷動不  
安其生遂至河北人戶流移旋又興起大獄以恐脅士  
人如鄭俠王安國之徒僅保首領而去其心本欲株連  
蔓引塗污公卿獨賴先帝仁聖每事裁抑故不得窮極  
其惡旣而惠卿自以賊罪被黜於是力陳邊事以中上  
心其在延安始變軍制雜用蕃漢違背物情壞亂邊政  
西戎無變安奏警急擅領大眾涉人戎境竟不見敵還

延而歸恣行欺罔立石紀功自是我人怨叛邊鄙騷擾  
河隴困竭海內疲勞永樂之敗大將徐禧本惠卿自布  
衣依薦擢任始終協議遂付邊政敗聲始聞震動宸極  
馴致不豫安石之於惠卿有卵翼之恩有父師之義方  
其求進則膠固爲一更相汲引以欺朝廷及其權位既  
均反眼相噬始安石罷相以執政薦惠卿旣已得位恐  
安石復用遂起王安國李士寧之獄以捃其歸安石覺  
之被召卽起迭相攻擊期至死地安石之黨言惠卿使  
華亭知縣張若濟偕豪民錢置田產等事朝廷遣蹇周  
輔推鞠獄將具而安石罷去故事不復究案在御史可

覆視也惠卿發安石私書其一曰無使齊年知齊年者  
馮京也先帝猶薄其罪惠卿復發其一曰無使上知安  
石由是得罪夫惠卿與安石出肺肝託妻子平居相結  
唯恐不深故雖欺君之言見於尺牘不復疑閒惠卿方  
其無事已一一收錄以備緩急之用一旦爭利隨相挾  
搥不遺餘力此大穢之所不爲而惠卿爲之惠卿用事  
於朝廷首尾十餘年操執威柄凶欲所及甚於安石乞  
陛下斷自聖意略正典刑追削官職投畀四裔 詔特  
贈呂誨通議大夫子由庚與堂除合入差遣以劉摯呂  
大防范純仁言其觸忤時宰譴死外藩故也 遼主駐

納葛濼戊寅遼宰相梁穎出知興平府事 壬午詔文  
彥博已降旨令獨班起居自今赴經筵都堂凡同三省  
樞密院奏事並序官位在宰相上 乙酉監察御史上  
官均言今之議者必以爲往時之檄青苗出於抑配故  
有前日之弊今則募民之願取者然後與之而有司又  
不以多檄爲功在民必以爲便臣以爲不然今天下民  
十室之中貧用匱乏者六七誘以青苗之利無知之民  
不暇遠計必利一時之得紛然趨赴雖曰不彊抑配然  
而檄斂追呼督促之煩道塗往來之費輕用妄費賤售  
穀帛之患未免如前日也故臣願行閏二月八日詔書



罷去青苗法復常平糴之法茲萬世之通利也  
是月遼放進士張穀等二十六人 六月丁亥朔遼  
以左伊勒希巴耶律坦爲特里袞知樞密院事耶律額  
特勒兼知伊勒希巴事 戊戌詔自今科場程試毋得  
引用字說從林旦言也 癸卯遼遣使案諸道獄時景  
州刺史耶律儼入爲御史中丞案上京滯獄多所平反  
擢同知宣徽院事提點大理寺 甲辰置春秋博士  
資政殿大學士正議大夫提舉嵩山崇福宮呂惠卿落  
職降爲中散大夫光祿卿分司南京蘇州居住蘇轍劄  
摯王巖叟相繼論惠卿罪惡故有是命 監察御史韓

川言市易之設雖曰平均物直而其實不免貨交以取利又所收不補所費請結絕見在物貨盡日更不收買從之 右正言王覲言先帝令常平錢斛秤畱一半遇穀貴減市價出糴成熟時增市價收糴務在平穀價而已郡縣之吏妄意朝廷之法惟急於爲利故於青苗新令則覲務力行於糴糴舊條則僅同虛設伏望朝廷罷散青苗錢行舊常平倉法以成先帝之素志 遼以同知南京畱守事耶律誥音

舊作那也今改

知右伊勒希巴事

乙巳準布部長朝於遼遼主命燕國王延禧相結爲友丙午王巖叟朱光庭蘇轍王覲言呂惠卿賁授分司

南京不足以蔽其罪臣等豈不知降四官落一職爲分  
司在常人不爲輕典乎蓋以堯之四凶魯之少正卯旣  
非常人不當復用常法制也 戊申吏部尚書孫永等  
請以富弼配神宗廟庭詔從之初議或欲以王安石或  
欲以吳充太常少卿鮮于侁曰勸德第一惟富弼耳

遼以契丹行宮都部署耶律阿蘇

舊作阿思今改

兼知北院大

王事

庚戌太白晝見

辛亥呂惠卿責授建寧軍節

度副使本州安置不得簽書公事從王巖安等四人所  
奏也蘇軾草制詞有曰先帝始以帝堯之仁姑試伯鯀  
終以孔子之聖不信宰予又曰尚寬兩觀之誅薄示三

苗之竄天下傳誦稱快焉 甲寅詔曰先帝講求法度  
變物仁民而搢紳之閒不能推原本意或妄生過事或  
連起犴獄久乃知獎此羣言所以未息朝廷所以懲革  
整飭風俗修振紀綱蓋不得已況罪顯者已正惡鉅者  
已斥則宜蕩滌隱疵闊略細故應今日以前有涉此事  
狀者一切不問言者勿復彈劾始鄧綰謫滁州言者未  
已太皇太后因欲下詔慰存反側呂公著以爲宜然遂  
從之或謂公著曰今除惡不盡將遺患它日公著曰治  
道去太甚耳文景之世網漏吞舟且人才實難宜使自  
新豈宜使自棄邪 復置通利軍 乙卯程頤上疏曰

今講讀官共五人四人皆兼要職獨臣不領別官近差修國子監條例是亦兼也乃無一人專職輔導者執政之意蓋惜人材不欲使之閒爾又以爲雖兼它職不妨講讀此尤不思之甚也古人齋戒而告君臣前後兩得進講未嘗敢不宿齋戒潛思存誠覲感動於上心若使營於職事紛其思慮待至上前然後善其辭說徒以頰舌感人不亦淺乎今諸臣所兼皆要官若未能遽罷且乞免臣修國子監條例俾臣夙夜精思竭誠專在輔導願一日講顏子不改其樂既畢文義乃復言曰陋巷之士仁義在躬人主崇高奉養備極苟不知學安能不爲

富貴所移且顏子王佐才也而簞食瓢飲季氏魯國蠹也而富於周公魯君用舍如此非後世之鑑乎文彥博呂公著等入侍聞其講說輒相與歎曰真侍講也彥博對帝恭甚或謂頤曰君之倨視潞公如何頤曰潞公三朝大臣事幼主不得不恭頤以布衣爲上師傅其敢不自重此頤與潞公所以不同也 是月夏主遣使來求蘭州米脂等五砦司馬光言此乃邊鄙安危之機不可不察靈夏之役本由我起新開數砦皆是彼田今旣許其內附若靳而不與彼必曰新天子卽位我卑辭厚禮以事中國庶幾歸我侵疆今猶不許則是恭順無益不

若以武力取之小則上書悖慢大則攻陷新城當此之時不得已而與之其爲國家恥無乃甚於今日乎羣臣猶有見小忌大守近遺遠憐此無用之地者願決聖心爲兆民計時異議者眾唯文彥博與光合太皇太后將許之光欲并乘熙河安撫固爭之曰自靈武而東皆中國故地先帝有此武功今無故棄之豈不取輕於外夷耶光乃召禮部員外郎前通判河州孫路問之路挾輿地圖示光曰自通遠至熙州才通一徑熙之北已接夏境今自北關瀕大河城蘭州然後可以捍蔽若捐以予敵一道危矣光乃止

續資治通鑑卷第八十

遼主天祚皇帝好讀書，嘗覽魏書，見其書，乃曰：「此書，魏書也。」

宋紀八十

起柔兆，攝提格七月盡，著雍執徐六月凡二年。

哲宗憲元繼道顯德定功欽文睿武齊聖昭孝皇帝

元祐元年

遼太安二年

秋七月丙辰朔，詔罷試補學官法令

尚書侍郎左右司郎中學士待制兩省御史臺官國子司業各舉二人。丁巳，遼惠妃之母燕國夫人先以入朝，擅取驛馬奪其封號，復爲巫蠱術，厭魅皇孫，延禧事覺，伏誅。妃弟蕭酬幹隸興聖宮籍流烏爾古德喀勒部。



戊午遼主獵沙嶺 辛酉立十科舉士法舊制銓注有格概拘以法法可以制平而不可以擇才故令內外官皆得薦舉其後被舉者既多除吏愈難神宗乃革去內外舉官法但用吏部審官院選格及帝卽位王巖叟言自罷辟舉而用選格可以見功過而不可以見人才于是不得已而用其平日之所信故有踏逐申差之目踏逐實薦舉而不與同罪且選才薦能而謂之踏逐非雅名也況委人以權而不容舉其所知豈爲通術遂復內外官舉法司馬光奏曰爲政得人則治然人之才或長於此而短於彼雖皋夔稷契各守一官中人安可求

倘故孔門以四科論士漢室以數路得人若指瑕揜善則朝無可用之人苟隨器指任則世無可棄之士臣備位宰相職當選官而識短見狹士有恬退滯淹或孤寒遺逸豈能周知若專引知識則嫌于私若止循資序未必皆才莫如使在位達官各舉所知然後克協至公野無遺賢矣欲乞朝廷設十科舉士一曰行義純固可爲師表科有官無官人皆可舉二曰節操方正可備獻納科舉有官人三曰智勇過人可備將帥科舉文武有官人四曰公正聰明可備監司科舉知州以上資五曰經術精通可備講讀科有官無官人皆可舉六曰學問該博可備顧問科同上七曰文章典麗可備著

述科

同上

八曰善聽獄訟盡公得實科

舉有官人

九曰善治財

賦公私俱便科

同上

十曰練習法令能斷請讞科

同上

應職

事官自尚書至給舍諫議寄祿官自開府儀同三司至  
大中大夫帶職自觀文殿大學士至待制每歲須于十  
科內舉三人仍具狀保任中書置籍記之異時有事需  
材卽案籍視其所當被舉科格隨事試之有勞又著之  
籍內外官闕取嘗試有效者隨科授職所賜告命仍具  
舉主姓名其人任官無狀坐以繆舉之罪庶幾人人重  
慎所舉得才詔從之 甲子遂賜興聖積慶二宮貧民  
錢 乙丑夏國主秉常殂是年改元天安禮定私諡康

靖皇帝廟號惠宗墓號獻陵子乾順卽位 上官均奏  
乞尚書省事類分輕重某事關尚書某事關二丞某事  
關僕射從之 劉摯言乃者朝廷患免役之弊下詔改  
復差法而法至今不能成朝廷患常平之弊竝用舊制  
施行曾未累月復變爲青苗之法其後又下詔切責首  
議之臣而斂散之事至今行之如初此二者大事也而  
反覆二三尚何以使天下信從且改之易之誠是邪君  
子猶以爲反令況改易未必是徒以暴過舉于天下則  
曷若謹之于始乎 庚午夏國遣使來賀坤成節 乙  
酉遼出粟賑遼州貧民八月戊子遼主以雪罷獵 辛

卯詔復常平舊法罷青苗錢初范純仁以國用不足請再立常平錢穀斂散出息之法朝廷用其言司馬光方以疾在告不與也已而臺諫共言其非皆不報光尋具劄子言先朝散青苗本爲利民竝取情願後提舉官速要見功務求多散今禁抑配則無害也蘇軾奏曰熙寧之法未嘗不禁抑配而其爲害也至此民家量入爲出雖貧亦足若令分外得錢則費用自廣今許人情願是爲設法罔民使快一時非理之用而不慮後日催納之患非良法也會王巖叟朱光庭王觀等交章乞罷青苗光始大悟力疾入朝于簾前奏曰是何姦邪勸陛下復

行此事純仁失色卻立不敢言太皇太后從之卽詔常平依舊法青苗錢更不支俵除舊欠二分之息元支本錢驗見欠多少分料次隨二稅輸納太皇太后諭輔臣曰臺諫官言近日除授多有不當光曰朝廷旣令臣僚各舉所知必且試用待其不職然後罷黜亦可并坐舉者呂公著曰舉官雖委人亦須執政審察人材光曰自來執政止于舉到人中取其所善者用之韓維曰光所言非是直僭舉者之言不先審察待其不職而罰之甚失義理公著曰近除用多失亦由阻以資格光曰資格亦不可少維曰資格但可施于敘遷若升擢人材豈可

拘資格邪 壬辰封弟偲爲祁國公 丁酉司馬光以  
疾作先出都堂遂謁告自是不復入朝 癸卯以崇政  
殿說書程頤兼權判登聞鼓院 九月丙辰朔尚書左  
僕射兼門下侍郎司馬光卒年六十六太皇太后哭之  
慟帝亦感涕不已明堂禮畢皆臨輿贈太師溫國公諡  
文正御篆表其墓道曰忠清粹德之碑光居洛陽十五  
年天下以爲眞宰相田夫野老皆號爲司馬相公婦人  
孺子亦知其爲君實也及爲門下侍郎蘇軾自登州召  
還緣道人相聚號呼曰寄謝司馬相公毋去朝廷厚自  
愛以活我遼人敕其遼吏曰中國相司馬矣切勿生事

開過陳光自見言行計從欲以身徇社稷躬親庶務不  
舍晝夜賓客見其體羸舉諸葛亮會少事煩以爲戒光  
曰死生命也爲之益力病革不復自覺諄諄如夢中語  
然皆朝廷天下事也既歿其家得遺奏八紙皆手札論  
當世要務百姓問其卒罷市而往弔鬻衣而致奠巷哭  
而過車蓋以萬千數京師民畫其像刻印鬻之家置一  
本飲食必祝焉歸葬陳州四方來會者數萬人光孝友  
忠信自少至老語未嘗妄自言吾無過人者但平生所  
爲未嘗有不可對人言者耳于學無所不通唯不喜釋  
老曰其微言不能出吾書其誕吾不信也蘇軾嘗論光



所以感人心動天地者而蔽以二言曰誠曰一君子以爲篤論 己未朝獻景靈宮辛酉大享明堂以神宗配程頤在經筵多用古禮蘇軾謂其不近人情浚疾之每加玩侮方司馬光之卒也明堂降赦臣僚稱賀訖兩省官欲往奠光頤不可曰子于是日哭則不歌坐客有難之者曰孔子言哭則不歌不言歌則不哭蘇軾曰此乃枉死市叔孫通所制禮也眾皆大笑遂成嫌隙 丁卯以中書舍人蘇軾爲翰林學士 詔諸路坊郭第五等以上及單丁女戶寺觀第三等以上舊納免役錢並與減放五分餘皆全放仍自元祐二年始 庚午遼主

遶上京壬申發粟賑上京中京貧民丙子遶主謁二儀  
五鸞二殿已卯出太祖太宗所御鎧仗示燕國王延禧  
諭以勗業征伐之難 張瑄能爲光祿大夫資政殿學  
士知鄴州臺諫交章論瑄凡十數太皇太后宣諭王巖  
安曰明堂大禮後瑄必遶至是乃引疾請外竟從優禮  
罷去 孫升奏祖宗用人如趙普王旦韓琦此三人者  
文章學問不見于世然觀其德業器識功烈治行近世  
輔相未有其比王安石爲一代文宗進居大任施設之  
方一出于私智由是言之則輔佐經綸之業不在乎文  
章學問也今蘇軾之學中外所服然德業器識有所不

足爲翰林學士可謂極其任矣若或輔佐經綸則願陛下以王安石爲戒世譏其失言 辛巳遼主召南府宰相議國政 冬十月乙酉朔遼以南院樞密副使寶景庸知樞密院事景庸初爲祕書校書郎聰敏好學至是始見用封陳國公 丙戌改封孔子後爲奉聖公鴻臚卿孔宗翰言孔子後世襲公爵本爲侍祠然兼領它官不在故郡于名爲不正乞自今襲封之人使終身在鄉里詔改衍聖公爲奉聖公不預它職增給廟學田百頃供祭祀外許均贍族人賜國子監書置教授一員以訓其子弟 五國長貢于遼 丁亥遼遣使詔夏國王乘

常子乾順知國事 庚寅太白晝見 壬辰夏人來告  
哀詔自元豐四年用兵所得城砦待歸我永樂所陷人  
民當盡盡以給還遣穆衍張楙往弔祭 乙巳賜范鎮  
詔落致仕除兼侍讀詔書到日可卽赴闕 己酉宗正  
寺丞王鞏奏神宗玉牒至今未修仙源類譜自慶歷八  
年張方平進書之後僅五十年竝無成書請更立法玉  
牒二年一具草繳進類譜亦如之候及十年類聚修纂  
從之 劉摯言太學條例獨可案據舊條攷其乖戾太  
甚者刪去之若乃高闕以慕古新奇以變常非徒無補  
而又有害乞罷修學制所止責學官正錄以上將見行

條制大開修定摯言慕古變常蓋指程頤也頤大概以爲學校禮義相先之地而月使之爭殊非教養之道請改試爲課有所未至則學官召而教之更不攷定高下置尊賢堂以延天下道德之士鐫解額以去利誘省弊文以專委任厲繩檢以厚風教及置待賓吏師齋立觀光法凡數十條輒爲禮部疏駁頤亦自辨理然朝廷訖不行 十一月乙卯朔禮部言將來冬至節命婦賀坤成節例改牋爲表從之程頤建言神宗喪未除節序變遷時思方切恐失居喪之禮無以風化天下乞改賀爲慰不從 戊午以尚書右丞呂大防爲中書侍郎御史

中丞劉摯爲尚書右丞自張瓌罷中書侍郎久未補人  
呂公著言呂大防忠實可任大事帝又以手札問公著  
曰卿前日言劉摯可執政緣未作尚書恐無此例欲且  
除尚書公著奏國朝自中丞入二府者如賈昌朝張昇  
趙槩馮京等甚多帝從其言摯遂自中丞入輔以傅堯  
俞爲御史中丞仍兼侍讀 甲戌遷爲燕國王延禧行  
再生禮曲赦上京囚 先是河決大名詔祕書監張問  
相度河北水事又以王令圖領都水同往丙子問奏臣  
至滑州決口相視迎陽埽至大小吳水勢低下舊河淤  
仰故道難復請于南樂大名埽開直河并發河分引水

勢入孫邨口以解北京向下水患令圖亦以爲然于是減水河之議復起會北京畱守韓絳奏引河近府非是詔問別相視戊寅以起居郎蘇軾起居舍人曾肇竝爲中書舍人肇仍充實錄院修撰王巖叟言肇資望甚卑因緣得竊館職素無吏能而擢領都司殊昧史材而委修實錄凡八上章皆不聽朝廷起范鎮欲授以門下侍郎鎮雅不欲起又移書問其從孫祖禹祖禹亦勸之鎮大喜曰是吾心也凡吾所欲爲者司馬君實已爲之何復出也遂固辭表曰六十三而求去蓋已引年七十九而復來豈云中禮卒不起命提舉崇福宮數月告

老以鉅青光祿大夫致仕 御史中丞傅堯俞初視事  
與侍御史王巖變同入對帝諭堯俞曰用卿作中丞不  
由執政以卿公正不避權貴如朝政闕失卿等當極言  
之 三省奏立經義詞賦兩科從之 詔府界三路係  
甲人戶五等以下地土不及二十畝者雖三丁以上並  
免教從呂陶請也 庚辰蠲鹽井官溪錢 癸未遼出  
粟賑乾顯成懿四州貧民 十二月庚寅詔將來服除  
依元豐三年故事羣臣勿上尊號 辛卯遼以蘭陵郡  
王蕭烏納舊作兀納今改爲南院樞密使烏納奏請掾史以歲  
月遷敘從之 戊戌華州鄭縣小敷谷山崩 壬寅朱



光庭言學士院試館職策題云欲師仁宗之忠厚而患百官有司不舉其職或至于媮欲法神考之厲精而恐監司守令不識其意流入于刻又稱漢文寬大長者不聞有怠廢不舉之病宣帝綜核名實不聞有督察過甚之失臣以爲仁宗之濫仁厚德如天之爲大漢文不足以過也神考之雄才大略如神之不測宣帝不足以過也今學士院攷試官不識大體反以媮刻爲議論乞正攷試官之罪策題蘇軾文也詔軾特放罪軾聞而自辨詔追回放罪指揮呂陶言蘇軾所撰策題蓋設此問以觀其荅非謂仁宗不如漢文神考不如漢宣臺諫當徇

至公不可假俗事權以報私隙議者謂軾嘗戲薄程頤  
光庭乃其門人故爲報怨夫欲加軾罪何所不可必指  
其策問以爲訕謫恐朋黨之弊自此起矣 戊申詔以  
冬溫無雪決繫囚 遼崇義軍節度使致仕劉仲卒仲  
初爲大理正因奏獄遼主適與近臣語不願仲進曰臣  
聞自古帝王必重民命願陛下省臣之奏遼主大驚異  
累遷大理少卿民無冤抑後復以三司副使提點大理  
寺明法而恕案冤獄全活甚眾遼主欲大用之爲耶律  
伊遜所阻伊遜旣敗其黨猶盛仲不復仕適燕薊民饑  
伸家居與致仕官趙徽韓造濟以糜粥所活不勝算至

是卒遼主震悼賻贈加等 是歲河北及楚海諸州水

二年

遼大安三年

春正月乙卯遼主如魚兒濼

壬戌王覲

言朱光庭訐蘇軾策問呂陶力辨臣謂軾之辭不過失輕重之體耳若悉攷同異浚究嫌疑則兩岐遂分黨論滋熾夫學士命詞失指其事尚小使士大夫有明黨之名此大患也太皇太后浚然之時議者以光庭因軾與其師程頤有隙而發而陶與軾皆蜀人遂起洛蜀二黨之說故覲有是疏 夏國以其故主秉常畱遺物遣使來進乙丑封乾順爲夏國主如明道二年元昊除節度使西平王例 戊辰詔自今舉人程試竝許用古今諸

儒之說或出已見勿引申韓釋氏書攷試官以經義論策通定去畱母子老列莊子出題 辛未傅堯俞王巖叟入對論蘇軾策題不當太皇太后曰此朱光庭私意卿等黨光庭耳堯俞巖叟同奏曰臣等蒙宣諭謂黨附光庭彈軾上辜任使更不敢詣臺供職伏俟譴斥 甲戌遘出錢粟賑南京貧民仍復其租賦 丙子詔蘇軾所撰策題卽無譏諷祖宗之意然自來官司試人亦無將祖宗治體評議者蓋一時失于檢會割付學士院知令傅堯俞王巖叟朱光庭速依舊供職蓋從呂公著議也 辛巳詔蘇轍劉攽編次神宗御製 二月丙戌遘

發粟賑中京饑 丁亥遣左司諫朱光庭乘傳詣河北  
路與監司一員徧視災荒措置賑濟 賜富弼神道碑  
以顯忠尚德爲額仍命翰林學士蘇軾撰文 詔施黔  
戎瀘等州保甲監司免歲閭 己丑知澶州王令圖相  
度河北水事張問奏乞如前議分河水入孫邨口置約  
使復歸東流故道從之 己亥命吏部選人改官歲以  
百人爲額 甲辰遼以民多流散除安泊逃戶徵償法  
辛亥觀文殿大學士知陳州蔡確坐弟軍器少監碩  
貸用官錢事落職徙知安州 是月代州地震 三月  
乙卯高麗遣使貢于遼 丁巳太皇太后詔曰祥禪統

終典冊告具而有司遵用章獻明肅皇后故事謂予當受冊於文德殿雖皇帝盡孝愛之意務極尊崇而朝廷有損益之文各從宜稱將來受冊可止就崇政殿已未遑免錦州貧民租 壬戌輔臣奏事延和殿太皇太后諭曰性本好靜昨止緣皇帝幼冲權同聽政蓋非得已況母后臨朝非國家盛事文德殿天子正衙豈女主所當御呂公著等言陛下執謙好禮思慮精淡非臣等所及 戊辰詔內外待制大中大夫以上歲舉第二任通判資序堪知州者一人呂陶言任官之弊其輕且濫者惟郡守爲甚故有是詔 令御史臺察民俗奢僭者

夏國遣使來謝封冊 癸酉奉安神宗神御于景靈宮宣光殿 甲戌遼免上京貧民租遼主如錦州 庚辰詔內侍省供奉官以下至黃門以百人爲定額 女直貢良馬於遼 是月神宗大祥范祖禹上疏太皇太后曰今卽吉方始服御一新奢儉之端皆由此起凡可以蕩心悅目者不宜有加于舊皇帝聖性未定覩儉則儉覩奢則奢所以訓導成德者動宜有法今間奉宸庫取珠戶部用金其數至多恐增加無已願止於朱然崇儉敦朴輔養聖性使目不視靡曼之色耳不聽滛哇之聲非禮勿動則學問日益聖德日隆此宗社無疆之福

故事服除開樂當置宴祖禹以爲如此則似因除服而  
慶賀非君子不得已而除之之意也請罷開樂宴惟因  
事則聽樂從之 程頤上疏曰臣近言邇英漸熱乞就  
崇政延和殿間給事中願臨以延和講讀爲不可臣料  
臨之意不過謂講官不可坐於殿上以尊君爲說耳臣  
不暇遠引以本朝故事言之太祖召王昭素講易眞宗  
令崔頤正講尚書邢昺講春秋皆在殿上當時仍是坐  
講今世俗之人能爲尊君之言而不知尊君之道人君  
惟道德益高則益尊若勢位則崇高極矣尊嚴至矣不  
可復加也 王令圖卒以王孝先代領都水亦請如令



圖議時知樞密院事安燾以東流爲是兩疏言朝廷之  
議同河獨憚勞費不顧大患蓋自小吳未決以前河入  
海之道雖屢變移而仍在中國故京師恃以北阻疆敵  
景德澶淵之事可驗也且河決海西則河尾益北若復  
不止則南岸遂爲遼境彼必作橋梁守以州郡如慶歷  
中因取河南熟戶之地遂築軍以窺河外已然之效如  
此蓋自河而南地勢平衍直抵京師長慮卻顧可爲寒  
心今欲僂于治河而變于設險非計也文彥博議與燾  
合中書侍郎呂大防從而和之三人者力主其議同列  
莫能奪中書舍人蘇轍謂呂公著曰河決而北自先帝

不能回而諸公欲回之是自謂智勇勢力過先帝也盍  
因其舊而修其未備乎公著唯唯曰當與公籌之然回  
河之役遂興 夏四月丁亥果莊使其子寇洮東 戊  
子遼賜中京貧民帛及免諸路貢輸之半 己丑以文  
彥博累章乞致仕詔十日一赴朝參因至都堂議事仍  
一月一赴經筵 辛卯詔自今月十一日避正殿減常  
膳公卿大夫其勉修厥職其國消復以梁燾奏春夏大  
旱故也 丙申遼賜烏庫部貧民帛 丁酉以四方牒  
訴上尚書省或冤抑不得直令御史分察之用范純仁  
之言也 己亥太皇太后以旱權罷受冊禮詔諸路監

司分督郡縣刑獄五日而雨 庚子遷主如涼陘 甲辰張舜民罷監察御史依前權判登聞鼓院先是舜民言夏人政亂彊臣爭權乾順仔亡未可知朝廷未宜遽加爵命近差封冊使劉奉世等幸勿遣緣大臣有欲優加奉世者爲是過舉大臣指文彥博也故舜民有是責傅堯俞乞速賜追還以協易不遠復之義王巖叟孫升上官均韓川梁燾王觀皆以爲言不報 遶南府宰相王績卒 乙巳以布衣彭城陳師道爲徐州教授師道受業于曾鞏博學善爲文熙寧中王氏經義盛行師道心非其說絕意進取至是以蘇軾傅堯俞孫覺薦授是

職尋又用梁燾薦爲太學博士言者謂在官嘗越境至  
南京見蘇軾改潁州教授又論其進非科第罷歸家素  
貧或經日不炊妻子慍見弗恤也 呂公著請復制科  
詔復置賢良方正能直言極諫科自今年始 遼主命  
出戶部司粟賑諸路流民及義州之饑 戊申御殿復  
膳 李清臣罷時熙豐法度一切釐正清臣固爭之以  
爲不可于是傅堯俞王巖叟言清臣竊位日久有患失  
之心無自立之志乞早賜罷黜上官均梁燾亦相繼論  
之遂罷爲資政殿學士知河陽 五月壬子朔王巖叟  
傅堯俞等言臣等累章論張舜民不當罷御史不蒙開

納言責難以冒居伏望降黜呂公著慮言者將激怒上  
意致朝廷有罪言者之失乃奏乞稍與優遷令解言職  
癸丑夏人圍南川砦 庚申遼海雲寺進濟民錢千  
萬 丁卯以尚書右丞劉摯爲尚書左丞兵部尚書王  
存爲尚書右丞 戊辰貶右諫議大夫梁燾知潞州侍  
御史孫升知濟州先是燾乞還張舜民臺職章十上不  
聽又于省中面責給事中張問不能駁還舜民制命以  
爲失職因誚問貪祿不去不知世所謂羞恥而升亦劾  
問引燾不知羞恥等語坐朋附同貶 癸酉以胡宗愈  
爲御史中丞宗愈首進六事曰端本正志知難加意守

法畏天它日奏對便殿帝問朋黨之說宗愈曰君子謂小人爲姦邪則小人必指君子爲朋黨陛下擇中立不倚者用之則朋黨自消因進君子無黨論 六月甲申以京西路提點刑獄彭汝礪爲起居舍人執政有問新舊之政者汝礪曰政無彼此之辨一于是而已今所更大者取士及差役法行之而士民皆病未見其可也 辛丑以同知樞密院安燾知樞密院事 壬寅有星如瓜出文昌 阿里骨逼果莊率眾竊據洮州殺掠人畜羌酋結藥密使所部怯陵來告阿里骨遣人執怯陵結藥恐事覺以其妻子來歸丙午授結藥三班奉職 戊

申以丁騭爲右正言騭自行新法卽不肯爲知縣折資  
監當幾二十年人多稱之 以祕閣校理諸城趙挺之  
爲監察御史挺之始通判德州希意行市易法時黃庭  
堅監德安鎮謂鎮小民貧不堪誅求及召試館職蘇軾  
曰挺之聚斂小人學行無取豈堪此選挺之演衙之庭  
堅分寧人也 秋七月辛亥詔戶部修會計錄 開府  
儀同三司判大名府韓絳以司空致仕 夏人寇鎮戎  
軍諸堡劉昌祚等禦之而還 詔府界三路教閱保甲  
復課利場務虧額科罰 乙卯權開封府推官張商英  
出提點河東刑獄初朝廷稍更新法商英上書言三年

無改於父之道今先帝陵土未乾柰何輕議變更又嘗  
移書蘇軾求入臺有老僧欲住烏寺呵佛罵祖之語或  
得之以告呂公著公著不悅故出之 丙辰罷諸州數  
外歲貢 遼主獵于黑嶺丁巳出雜帛賜興聖宮貧民  
戊午以遼使賀坤成節曲宴垂拱殿始用樂 庚申  
進封李乾德爲南平王 辛酉改誠州爲渠陽軍 壬  
戌御札付中書省曰門下侍郎韓維嘗面奏范百祿任  
刑部侍郎所爲不正輔臣奏劾臣僚當形章疏明論曲  
直豈但口陳意欲無迹何異姦讒可罷守本官分司南  
京呂公著上疏言自來大臣造剋密論未嘗須具章疏



維素有人望忽然峻責罪狀未明恐中外人情不安呂  
大防亦以爲言甲子詔維除資政殿大學士知鄧州中  
書舍人曾肇封還詞頭具狀曰古者坐而論道謂之三  
公豈必具案牘爲事今陛下責維徒口奏而已遂以爲  
有無君之意臣恐命下之日人心眩惑謂陛下以疑似  
之罪而逐大臣不報已而公著復于僂殿乞改維詞頭  
乃詔中書省以均勞逸意命舍人蘇轍爲之維尋以病  
改汝州 乙丑以左司諫呂陶爲京西轉運副使侍御  
史上官均爲禮部員外郎先是御史杜純右司諫賈易  
緣張舜民罷職事劾陶均面欺同列不肯論救陶自請

補外上疏言杜純乃韓維之客以此嬖維賈易乃程頤之死黨爲頤報怨必欲臣廢逐而後已惟陛下幸察易凡五狀劾陶謂詭譎姦人託朋附以自安故陶均皆罷言職而陶獨外補 庚午遼主以大雨罷獵丁丑遼秦越國王阿輦卒尋追封秦魏國王 八月辛巳右司諫賈易罷知懷州自蘇軾以策題事爲臺諫官所言而言者多與程頤善軾頤交惡其黨迭相攻易獨建言請并逐二人又言呂陶黨軾兄弟而文彥博實主之語侵彥博及范純仁太皇太后怒欲峻責易呂公著言易所言頗切直惟詆大臣太甚爾乃止罷易諫職出外公著還

語同列曰諫官所言未論得失顧主上春秋方盛慮異  
時有導諛惑上心者正賴左右爭臣不可預使人主輕  
言者眾皆嘆服 程頤罷經筵權同管勾西京國子監  
先是頤赴講會帝瘡疹不御邇英已累日頤退詣宰相  
問曰上不御殿知否曰不知曰二聖臨朝上不御殿太  
皇太后不當獨坐且人主有疾而宰相不知可乎翼日  
呂公著等始以頤言問疾由是大臣多不悅故黜之頤  
因三上章乞納官歸田里不報又乞致仕亦不報時呂  
公著獨相羣賢在朝不能不以類相從遂有洛黨蜀黨  
朔黨之號洛黨以頤爲首而朱光庭賈易爲輔蜀黨以

蘇軾爲首而呂陶等爲輔朔黨以劉摯梁燾王巖叟劉  
安世爲首而輔之者尤衆是時熙豐用事之臣遐休散  
地怨入骨髓陰伺閒隙而諸臣不悟各爲黨比以相訾  
議惟呂大防秦人慤直無黨范祖禹司馬光不立黨  
癸未以西蕃寇洮河民被害者給錢粟死者賜帛其家

乙酉命呂大防爲西京奉安神宗御容禮儀使 丁

亥孔文仲丁騰進對太皇太后宣諭曰一心爲國勿爲  
朋比 癸巳以夏國政亂主幼彊臣梁乙逋等擅權逆  
命詔諸路帥臣嚴兵備之 庚子授西蕃首領心牟欽  
璽鉅州團練使溫溪心瓜州團練使以不從結畝隄入

寇故也 辛丑涇原路言夏人寇三川諸砦官軍敗之  
丁未熙河路言知岷州种諤復洮州擒果莊青宜結  
戊申宰臣率百官表賀果莊桀黠有智謀所部精銳數  
爲邊患熙寧中誘陷河州神宗屢詔王韶欲生致之至  
是與夏人解仇爲援築洮州居之諤率眾破其城擒果  
莊檻送京師諤諤之弟也時二邊少靖而西塞猶苦寇  
掠安燾言爲國者不可好用兵亦不可畏用兵好則疲  
民畏則遺患今朝廷每戒疆吏非舉國入寇毋得應之  
則固畏用兵矣雖僅保障戍實墮其計中願復講攻擾  
之策且乾順幼豎梁氏擅權族黨酋渠多反側顧望若

有以離間之未必不同戈而復怨此制勝一奇也其後  
夏人自相攜貳來修貢悉如舊言 九月乙卯發太皇  
太后冊寶于大慶殿丙辰發皇太后皇太妃冊寶于文  
德殿 己未夏人寇鎮戎軍 庚申王覲奏蘇軾程頤  
向緣小忿浸結仇怨于是頤軾素所親善之人更相詆  
訐以求勝勢前日頤言者及軾故軾乞補外既降  
詔不允尋復進職經筵今執政大臣有關若欲保全軾  
則且勿大用庶幾使軾不遽及于悔吝又奏小人近乃  
造爲飛語有五鬼十物十八姦之說大槩不過取一二  
公義所共惡者以實其言而餘皆端良之士也伏望詔

榜朝堂明示不信讒言之意以安士大夫之心 丁卯  
禁私造金箔 庚午呂公著言十五日以經筵講畢論  
語賜輔臣及講官宴內出御書唐賢律詩分賜臣等次  
日于簾前謝蒙太皇太后宣諭皇帝好學在宮中別無  
所爲惟是畱心典籍天下幸甚臣輒于尚書論語孝經  
中節取要語共一百段進呈庶便于省覽它日三省奏  
事畢太皇太后宣諭公著曰皇帝取卿所進每日書寫  
看覽甚有益于學問與詩篇不同也 乙亥遼主駐匣  
魯金 冬十月庚辰遼以參知政事王經爲三司使  
甲申知懷州賈易責知廣德軍易謝表謂以忠直獲罪

而指言羣臣讒邪罔極朋黨滔天又言蘇轍特密以告人轍上疏自辨于是御史交章論易詔事程頤默受教戒附下罔上背公死黨乞早賜降黜詔以易已罷言職不合于謝上表內指名論事故有是責 辛卯減西京囚罪一等杖以下釋之 壬辰遼罷節度使以下官進珍玩 庚子論復湖州功种誼等遷秩賜鉅絹有差 癸卯劉摯言知陳州傅堯俞知齊州王巖交知潞州梁燾通判號州張舜民知廣德軍賈易皆忠直不撓願召入備任使以慰公議 甲辰泉州增置市舶從戶部尚書李常請也 丁未范祖禹乞于通英閣復張挂仁宗



時王洙蔡襄所書無逸孝經圖從之 十一月甲寅遊  
以特里衮耶律坦同知南京留守事 丙辰復置漣水  
軍 庚申獻果莊于崇政殿請犯邊之狀諭以聽招其  
子及部屬歸附以自贖果莊服從赦之以爲陪戎校尉  
遣居秦州 壬申詔講讀官遇不開講日輪具漢唐故  
事有益政體者三條進入先是蘇頌言國朝典章大抵  
沿襲唐舊乞詔史官采新唐書中臣主所行日進數事  
故有是詔頌每進可爲規戒有補時政者必述以已意  
反復言之 乙亥以大雪民多凍死詔加賑恤其無親  
屬者官瘞之 罷內殿承制試換文資格 十二月己

卯朔遣以樞密直學士呂嗣立參知政事 乙酉以大  
寒賜諸軍薪炭錢又令開封府開坊市貧民以錢百萬  
計口量老少給之 丙戌興龍節初上壽于紫宸殿  
已丑以大寒罷集英殿宴 壬辰兀征聲延部族老幼  
萬人渡河南遣使廩食之仍諭聲延勿失河北地 壬  
寅頒元祐敕令式 丙午趙挺之奏蘇軾學術本出戰  
國策縱橫揣摩之說近日學士院策試廖正一館職乃  
以王莽袁紹董卓曹操篡漢之術爲問使軾得志將無  
所不爲矣攷異東都事略趙挺之傳挺之劾奏蘇軾草  
麻有云民亦勞止以爲誹謗先帝宋史同未  
審卽此奏 是冬始閉汴口 是歲夏改元天儀治平  
中語著

三年

遼大安四年

春正月庚戌復置廣惠倉從侍講范祖禹

言也

遼主如混同江

甲寅太白晝見

己未朝獻

景靈宮

庚申詔發京西南路闕額禁軍毀五十餘萬

斛減市價出糶至麥熟日止以雪寒物價翔湧也

壬

靚奏蘇軾長于辭華而暗於理義若使久在朝廷則必

立異妄作宜且與一郡稍爲輕浮躁競之戒

辛酉詔

廣南西路朱崖軍開示恩信許生黎悔過自新

壬戌

罷上元遊幸

甲子五國部長貢於遼庚午遼免上京

遊逃及貧戶稅賦

壬申阿里骨奉表謝罪詔遼將無

出兵仍罷招納

甲戌遼以上京南京饑許良人自竄

丁丑遼曲赦西京役徒 二月甲申罷修金明池橋

殿 乙酉時久陰不解翰林學士兼侍讀蘇軾言差役之法天下以爲未便獨臺諫官數人者主其議以爲不可改近聞疏遠小臣張行者力言其弊而諫官韓川滾詆之至欲重加貶竄此等亦無它意方司馬光在時則欲希合光意及其既歿則妄意陛下以爲主光之言殊不知光至誠盡公本不求人希合而陛下虛心無我亦豈有所主哉使光無恙至今見其法稍弊則更之久矣臣每見呂公著安燾呂大防范純仁皆言差役不便但爲已行之令不欲輕變兼恐臺諫紛爭卒難調和願陛

下問呂公著等令指陳差雇二法各有若干利害筭曰  
雇役中等人戶歲出錢幾何今者差役歲費錢幾何又  
幾年一次差役皆可以折長補短約見其數以此計算  
利害灼然而況農民在官貪吏狡胥百端蠶食比之雇  
人苦樂十倍民窮無告致傷陰陽之和今來所言萬一  
少有可采卽乞留中作聖意行下庶幾上荅天戒下全  
小民 丙戌詔河東苦寒量度存恤戍兵 己丑以左  
司諫豐稷爲國子司業揚王顥荆王頥嘗令成都府路  
走馬承受造錦地衣稷獨奏劾以爲近屬奢侈官吏奏  
旨宜皆糾正其罪給事中趙君錫曰諫官如是天下必

太平矣不數日稷能言職 癸巳詔殿試經義詩賦人  
並試策一道從趙挺之請也 甲午遼曲赦春州役徒  
終身者皆五歲免已亥遼主如春州赦泰州役徒 乙  
巳知貢舉蘇軾同孫覺孔文仲言每一試進士諸科及  
特奏名約八百餘人舊制禮部已奏名至御試而黜者  
甚多嘉祐始盡賜出身近雜犯亦免黜落皆非祖宗本  
意進士升甲本爲南省第一人唱名近下方特升之皆  
出一時聖斷今禮部十人以上別試國子關封解試武  
舉第一人經明行修進士及該特奏而預正奏者定著  
於令遂升一甲則是法在有司恩不歸于人主甚無謂

也今特升者約已及四百五十人又許例外遞減一舉則當復增數百人此曹垂老無它望布在州縣惟務贖貨以爲歸計殘民敗官無益有損議者不過謂宜廣恩澤不知吏部以有隄之官待無窮之吏戶部以有隄之財祿無用之人而所至州縣舉羅其害謂之恩澤非臣所識也願斷自聖意止用前命仍詔考官量取一二十人委有學問詞理優長者卽許出官其餘皆補文學長史之類不理選隄於是詔定特奏名考取進士八四等以上諸科入三等以上通在試者計之毋得取過全額之半後遂著爲令 以正字劉安世爲右正言司馬光

既沒太皇太后問呂公著光門下士素所厚善可任臺  
諫者孰當先用公著以安世對遂擢任之 三月丙辰  
司空致仕康國公韓絳卒諡獻肅絳喜延接士大夫始  
與王安石善其後頗異因數稱薦司馬光可大用然終  
以黨安石復得政清議少之 乙丑遼免高麗歲貢  
已巳賜進士李常寧等并諸科及第出身共一千一百  
二十二人 遼賑上京及平錦來三州饑 甲戌增新  
釋褐進士錢百萬酒五百壺爲期集費 乙亥夏人寇  
德靜砦將官張誠等敗之 夏四月戊寅令諸路郡邑  
具役法利害以聞 已卯遼賑蘇吉復淶鐵五州貧民



并免其租稅 尚書右僕射兼中書侍郎呂公著以年老數辭位辛巳拜司空平章軍國事詔一月三赴經筵二日一朝因至都堂議事出省毋拘以時別建第于東府之南啟北扉以優執政就議恩數如其父夷簡世以爲榮 以中書侍郎呂大防爲尚書左僕射兼門下侍郎同知樞密院范純仁右僕射兼中書侍郎制詞皆蘇軾所草也是夕軾對于內東門小殿旣承旨太皇太后急問曰卿前年爲何官曰臣前年爲汝州團練副使今爲何官曰臣今待罪翰林學士曰何以遽至此軾曰遭遇太皇太后皇帝陛下曰非也軾曰豈大臣論薦乎曰

亦非也軾曰臣雖無狀不敢自它途以進太皇太后曰  
此乃先帝之意也先帝每誦卿文章必嘆曰奇才奇才  
但未及用卿耳軾不覺哭失聲太皇太后泣帝亦泣左  
右感涕已而命坐賜茶撤御前金蓮燭送歸院軾在翰  
林頗以言語文章規切時政畢仲游以書戒之曰夫言  
語之累不特出口者爲言其形於詩歌贊於賦頌託於  
碑銘著於序記者皆言語也今知畏於口而未畏于文  
是其所是則見是者喜非其所非則蒙非者怨喜者未  
必能濟君之謀而怨者或已敗君之事矣官非諫臣職  
非御史而好是非人危身觸諱以遊其閒殆猶抱石而

救溺也軾不能從 壬午以觀文殿學士兼侍讀孫固  
爲門下侍郎尚書左丞劉摯爲中書侍郎尚書右丞王  
存爲尚書左丞御史中丞胡宗愈爲尚書右丞戶部侍  
郎趙瞻爲簽書樞密院事 甲申韓川劉安世進對太  
皇太后問近日差除如何安世對曰朝廷用人皆協輿  
望惟胡宗愈公議以爲未允耳 遼賑慶州貧民乙酉  
減諸路常供服御物 丁酉遼立入粟補官法癸卯遼  
主西幸時耶律儼爲樞密直學士召使講尚書洪範儼  
儀觀秀整遼主數對羣臣稱其才俊 五月丁未中書  
舍人曾肇言昨奉使契丹還至河北竊聞朝廷命王孝

先開孫邨口減水河欲爲河河之計詢之道路皆云見  
今河流就下故道地形甚高兼係黃河退背地分恐難  
成功當河北累年災傷之後未宜有此興作伏望聖慈  
更下水官及河北路監司公共講求不至枉費民力更  
招後悔 時熙豐用事之臣雖去其黨分布中外起私  
說以搖時政鴻臚丞常安民遺呂公著書曰善觀天下  
之勢猶良醫之視疾方安寧無事之時語人曰其後必  
將有大憂則眾必駭笑惟識微見幾之士然後能逆知  
其漸故不憂其可憂而憂之于無足憂者至憂也今日  
天下之勢可爲大憂雖登進忠良而不能投致海內之

英才使皆萃於朝以勝小人恐端人正士未得安枕而臥也故去小人爲不難而勝小人爲難陳蕃竇武協心同力選用名賢天下想望太平然卒死曹節之手遂成黨錮之禍張柬之五王中興唐室及武三思一得志至於竄移淪沒此皆前世已然之禍也今用賢如倚孤棟拔士如轉巨石雖有奇特瓌卓之才不得一行其志甚可歎也猛虎負嵎莫之敢撓而卒爲人所勝者人眾而虎寡也故以十人而制一虎則人勝以一人而制十虎則虎勝柰何以數十人而制千虎乎今怨憤已積一發其禍必大可不謂大憂乎公著得書默然安民邛州人

也 諫議大夫王覲疏言胡宗愈自爲御史中丞論事  
建言多出私意與蘇軾孔文仲各以親舊相爲比朋內  
批王覲論列不當落職與外任差遣翼日呂公著言覲  
若止爲論列宗愈便行責降必不協眾情未敢行下後  
二日公著與呂大防范純仁再論於簾前太皇太后意  
猶未解純仁退而上疏曰側聞聖訓謂朋黨甚多宜早  
施行以臣愚見朝臣本無朋黨但善惡邪正各以類分  
陛下旣用善人則匪人皆憂難進遂以善人之相稱舉  
者皆指爲朋黨皆慶歷時先臣與韓琦富弼同爲執政  
各舉所知當時飛語指爲朋黨三人相繼補外遣謫者

公相慶曰一網打盡矣此事未遠願陛下戒之所降貶  
謫王觀文字臣未敢簽書因極言前世朋黨之禍并錄  
歐陽修朋黨論上之趙挺之楊康國亦言不當因論人  
而逐諫官乞追寢罷覲之命不聽竟出覲知潤州而宗  
愈居位如故 辛亥遼主命燕國王廷禧寫尚書五子  
之歌 時以炎暑權罷講癸丑侍講范祖禹上疏曰陛  
下今日學與不學繫天下它日之治亂陛下如好學則  
天下之君子以直道事陛下輔助德業而致太平不好  
學則天下之小人以邪諂事陛下竊取富貴而專權利  
君子之得位欲行其所學也小人之得君將濟其所欲

也用君子則治用小人則亂君子與小人皆在陛下心之所召且凡人之進學莫不於少時今聖質日長數年之後恐不得如今日之專竊爲陛下惜也 乙卯遼賑  
祖州貧民丁巳詔免徒役終身者五歲免之己未賑春  
州貧民 癸亥漢東郡王宗瑗卒 丙寅遼禁挾私引  
水犯田 六月丙子朔詔鄉戶衙前役滿未有人替者  
依募法支雇倉錢如願投募者聽仍免本戶身役不願  
投募者速召人替 庚辰遼主駐散水原 癸未詔司  
諫正言殿中侍御史監察御史倣故事以升朝官通判  
資序歷一年者爲之 丁亥遼命燕國王延禧知中丞



司事以同知南院樞密使事耶律哥里知右伊勒希巴以知右伊勒希巴事耶律鄂嘉同知南院樞密使庚寅北院樞密使耶律頗德致仕 戊戌詔黃河未復故道終爲河北之患王孝先等所議已嘗興役不可中罷宜接續工料期于必成范純仁乞寢前命以杜希合尚書王杼等亦言孝先初未有必然之論但僥倖萬一以冀成功且預求免責若遂聽之將有噬臍之悔乞遣使覆案審度可否興工未晚庚子三省樞密院奏事延和殿文彥博呂大防安燾謂河不東則失中國之險爲契丹利范純仁王杼胡宗愈則以虛費勞民爲憂杼謂契丹

自景德至今八九十年通好如一家設險何與焉不然如石晉末耶律德光入汴豈無黃河爲阻況今河流亦未必便衝過北界也太皇太后曰且熟議明日純仁又畫四不可之說以進且曰北流數年未爲大患而議者恐失中國之利先事回改正如頃西夏本不爲邊患而好事者以爲不取恐失機會遂興靈武之師也於是收回戊戌詔書 辛丑夏人寇塞門砦 劉安世言胡宗愈操行汙下毀滅廉恥誠不足以輔佐人主參預國論乞特行罷免

續資治通鑑卷第八十

五

續資治通鑑卷第八十